



Australian Government

COVID-19  
VACCINATION

# Oggúa véksin monzur goríbólla 6 kodom

17 Jun 2022



Australiat, **Therapeutic Goods Administration (TGA)** ye véksin ókkol beggún óre monzur goré, híin óre estemal gorá zaibar age.



TGA óiye dé azad daktori mahér ókkol ór oggúa gurúp.

Zar maáni hítara nizottú aséde sáñisi maalumat estemal gorí nizer fáisela ókkol neze goré.



TGA ye fakka goré dé ki Australiat añará estemal gorí dabai ókkol:

- maháfuz
- bálá ham goré.



Australiat oggúá véksin óre monzur goríbólla TGA hámicá ekhí 6 kodom manisole.

## **Kodom 1 – Oggúá véksin monzur gorá zaibollá ekkán dorhás gorár age**



Cára duniyait becí kompáni ókkol asé zín é véksin ókkol bana.

Kompáni ókkol óre TGA ré dorhás gorá fore hítárar véksin monzur gorázaibollá.



Oggúa kompáni ye TGA ré ekkán dorhás difeçár age, kompáni guáttu TGA ré huwá fore:

- hítára monzur goráito saárdde véksin gúar baabote



- kiólla manúic óttu véksin gúa lager de
- ki **kiliníki tojuruba ókkol** hítára salaiyé.



Ekkán kiliníki tojuruba maáni elómi tahákik goróon véksin gúa:

- maháfuz né
- bálá ham goré né.



Kompáni gúattu TGA ré huwá fore keén gorí hítára fakka goríbo ainda hítárar véksin gúa:

- maháfuz
- bálá ham goré.

Zodi TGA ye fáisela goré de ki kompáni ye véksin gúa ré bálá torika loi banaiyé, toíle hítára uitararé hoibó dorhás goríbólla.

## Kodom 2 – Oggúa véksin monzur gorázaibollá dorhás



Kompáni gúattu ekkán dorhás TGA or hañsé difeçá fore hítárar véksin gúa monzur gorá zaibollá.



Zehón hítára dorhás goré, kompáni gúattu TGA ré huwá fore:

- keén gorí kiliníki tojuruba ókkol é deháiye dé véksin gúa maháfuz ar bálá ham goré
- véksin ot aséde fudh ókkol keén maháfuz dé.



Kompáni gúattu TGA ré aró huwá fore:

- keén gorí hítára véksin gúa banaibó
- véksin mare de manúic ólla héçe honó hótóra asé né.

### Kodom 3 – Dorhás gán óre saá



TGA ye húcíyarir sáñte saibó:

- véksin gúa ré maháfuz né fakka goríbólla
- kompáni gúa ye diyé dé maalumát.



TGA ye:

- véksin gúa maháfuz né fakka goríbólla mahér ókkol loi ham goribó



- véksin gúat asé de fudh ókkol beggún saibó híba maháfuz né fakka goríbólla.



TGA ye aró:

- kiliník tojuruba ókkol óre saibó Australiar beggún ólla véksin gúa maháfuz né fakka goríbólla



- Véksin gúa Australiar man ókkol motafek óiye né fakka goríb



- cára duniyat oinno dec ókkol é véksin gúa ré keén gorí estemal goijjé saibó.



TGA ye kompáni gúattu aró súwal ókkol fusár goríbó zodi hítárattú gorá fore.

## Kodom 4 – Fáisela gorá



TGA ye fáisela goríbó hítára véksin gúa ré monzur goríbó né.



Zodi TGA ye véksin gúa ré monzur goré, hítára híbaré 2 bosór ólla monzur goríbó.

2 bosór baade, kompáni gúa ye TGA ré súwal goríbó véksin gúa ré 6 bosór fuijontollá monzur goríbólla.

## Kodom 5 – Véksin gúa ré doftór gorá



TGA ye véksin gúa ré monzur gorí baade, hítára híbaré Australian Register of Therapeutic Goods (Register) ot cáamel goríbo.



Register óiye dé véksin ókkol ór oggúá balang ziín óre Australiat TGA ye monzur goijjé.

Balang gúa ye cáamel goré:

- kompáni gúar nam
- véksin gúar nam
- véksin gúat ki fudh ókkol asé
- véksin mare de manúic or maalumat.



Véksin gúa ré Register or cáamel gorí baade, kompáni gúa ye véksin ókkol difeçá cúru gorí fare.



## Kodom 6 – Véksin gúar fisáli táká



TGA ye véksin gúa ré cek gorát tákíbo zetó beec manuic é híba mribó.



Yaán ei hotá ré fakka goríbólla dé ki ibá:

- ehón fuijonto maháfuz
- ehón fuijonto bálá ham gorér.



Zodi héçe honó ocúida ókkol táké, TGA ye:

- vékisin gúar ocúida ré saái fare
- véksin gúa keén maháfuz dé hían or baabote manuic óre nuwa maalumat difare
- monzuri loifélaifare, zodi zorurot fore.

## Beec maalumat



Tuñár zuban ot véksin gúar baabote beec maalumat ollá tuñí Sehét Dipármén or websófa [www.health.gov.au/covid19-vaccines-languages](http://www.health.gov.au/covid19-vaccines-languages) saáifaribá.



Tuñí Wotóni Korunaváires Modotlain ot koól gorífaribá ibát **1800 020 080**. Maana buzáidiyar hédmot ólla ekteyar 8 basó.